

松堂集

乾

京都府  
西陣区  
西陣  
西陣  
西陣

題松堂趙相國詩卷得梯字

奎星祭、照東方名世真儒對  
相繼左相最乞斯文表  
氣無牽制精窮理窟早升臺  
皎然月出秋旻霽弱岭射以東  
光陽一箭收功取高第英

安正遇風雲會洗滌乾坤開  
雍土敵為封宗公領一生成醜周  
旋儀棣、急管繁絃盡壺滌  
落梅流水非塵世盛事罕古  
今亦稀况又亦人敦孝悌賜  
抵孝媚孝春佳賓雜選皆

英銳已向明時作舟楫巨川  
處終難濟

亨齋李稷

夫然則已國報於無轉耳

平營外數

松堂先生文集目錄

卷之一

五言絕句二十二首

七言絕句一百五首

卷之二

五言律詩十三首

七言律詩二十五首

五言古詩十五首

七言古詩五首

五言排律一首

卷之三

疏四

卷之四

疏二

讚二

松堂先生文集目錄終



松堂先生文集卷之一

五言絕句

明農堂雜詠

開城府有  
先人弊廬

半千年盛業三十代神州  
孤客一襟淚

昌陵草樹秋

其二

風月詩千首江山酒一樽  
悲歌何限意  
矯首望君門

丁卯七月夜坐

水堂先生文集卷之一  
七月蓬山雨高梧一葉秋行藏固未決  
獨坐意悠悠

次野堂韻

酒熟花初發春深草自香山翁本多曠  
醉裡費韶光

其二

春半淵明宅山多庾信園草光烟外白  
山色雨中昏

撫林驛

公館三更雨秋空四壁聲思君萬行  
淚獨坐到天明

謝旌善守金公謙惠參

人參白如雪高節冷如霜霜雪照吾面  
故人如在傍

詠盆蘭

寒色宣尼操孤芳楚澤吟香清月初上  
識得故人心

詠盆松

松堂先生文集卷之二  
二  
枯槁存高節青蒼正烈霜  
他時霄漢上鸞鶴亦彷徨

閑居

綠樹欹斜處黃鸝一兩聲  
誰知閑氣味况值雨初晴

寄德川宋使君得師

春半花如海悠悠一片心  
別來知幾日西望暮雲深

長湍俞先生寄詩惠山菜次韻謝

之

盈筐春色嫩  
細細暖烟和  
昨夜長湍雨  
遙知綠滿家

題月輦寺壁

少年讀書處

春半尋幽寺  
拈花寂寞開  
院深人不見  
遼海鶴重來

詠楓樹

酷愛雙楓樹  
移根托竹林  
霜酣一片赤  
似識主人心

石礪趙先生寄西瓜以詩遙謝

化

玉斗流瓊液來從處士家年年塵土下

暑對邵平瓜

星臺

花發留僧語鶯嬌近客飛把琴聲轉苦

松露滴春衣

與黃生遊蓬山下是日雨戲

細雨蓬山下芳菲足厭浥日暮携芳佳人

尋花衣半濕

夜雨憶弟

踈雨滴梧葉寒齋夜寂寥  
西窓燭誰剪却恨弟兄遙

謝惠鴨

齊安田使君處處樹豐績  
翩翩一隻鴨疑是玉喬鳥

謝送檜

得此童童樹中庭自手植  
感君傲霜雪四時同一色

詠龍穴庵石上松

寒松倚蒼石萬古同一色  
棟掇回萬牛何如山月白

次趙石礪先生詩韻

違時常竄合偃蹇耻雷同  
何日對樽酒孤舟一夜風

七言絕句

送尹商州歸鷄林尹承順相幕

赫腐鴟鴞氣勢盈飄飄孤鳳上雲征令



公若問崧山面為報年來一樣青

送中原金判官赴任肇

送君芳草淚如波塗炭生民  
代分符殊不惡施仁予豈望

尹待制紹宗慈氏挽詞

曾謁文貞小少時親承教授得  
元亦是平生友今日邙陽不勝悲

寄徐御史

玄陵御史卧雲山高節夷齊伯仲間

載別來入事異無端南望淚痕

明農堂雜詠

關馬坡頭山似畫衙息亭上月如波棲  
遲一詠亦君賜慷慨時賡五子歌

其二

禮成江上白雲秋何限蒼波一葉舟欲  
伴逢前同去國昌陵政在碧瀾頭

其三

秋雨蕭蕭不濕衣江頭獨立鷺初飛悠

然識得閑中味任了明時是與非

謝趙判事卜次惠江魚

珍重東溟一尺魚慙慙寄我數行書何  
當與爾龍門浪直上扶搖九萬餘

次宮詞夜直韻丁卯

洛陽秋半暑初殘小閣綦燈篋色寒心  
不動來身亦秦都緣榮利不相干

雪後次野堂韻

顛狂不禁逐風斜絮散鹽飛態轉多想

像山陰回棹處也應和月歷梅花

久雨次野堂韻

四海同雲氣鬱蒸風纏雨脚亂繩繩何  
當白日中天看不覺樽前太息增

次野堂喜雨韻

洪爐一雨便清涼栢子殘香滿石床商  
略入間唯合睡故園山水似清湘

其二

雨聲來自碧梧枝風定松檼睡覺時皓

皓易緇峽者缺愀然起坐獨題詩

寄尹桐軒

相思南望正秋風錦岳蒼蒼屹半空禮  
樂詩書天下計蕭然擁膝草廬中

朴副正呼韻

木蘭花發子規啼堤柳春歸翠幄低竹  
帛明時誰死節無端高卧聽寒溪

癸亥踏青望大觀殿次野堂韻

良辰無酒苦無良悵望春光獨斷腸曾

奉先王為近侍當時宮柳又鵝黃

次野堂韻

戎馬乾坤萬丈塵蛇山白酒樂青春世  
無鮑叔曾知我多感先生德照隣

其二

少慕功名白日垂如今蹭蹬負明時放  
開狂態常因酒消遣傷懷恣是詩

次閔左尹溪堂詩韻

平生浪慕謝東山剝得人間半日閑夢

罷雨餘黃鳥語石溪流水正潺湲

題星洞松亭

桐花落盡槿花開  
目在關河客不來  
六月松風涼似水  
人間何處覓蓬萊

次萬景臺韻

佳旆觀瀾獨上臺  
長天一色送青來  
民生未似江山羨  
念此憑軒不盡杯

次狼川客舍韻

宇宙風塵一歎長  
朝天馬上憶南陽  
山

西將士誰豪俊圖畫凌烟鬢未蒼

壬戌夏倭入寇慶尚遂屠州郡月六

十有二日承督戰之命題赤登樓

棲棲六月路三千野渡無人獨上船採

菊出師誰得計赤登樓下水如天

次尚州客舍東軒韻

炎蒸酷暑欲生烟奉使南方路二千滅

賊朝天知有日聞雞起讀出師篇

次雞林倚風樓詩韻



誰是梨園弟子家  
半天喬木夕陽多  
當時文物今安在  
祇有龜山學翠華

其二

犁鋤盡入五侯家  
搔首登臨古意多  
千載分明殷鑑甚  
固知天命失奢華

題毛良驛亭

雞林山水欲清秋  
萬古興亡獨倚樓  
尚使後人還不鑑  
阿誰知得我悠悠

次陝州涵碧樓詩韻

危樓金碧漾虛明樓下澄江一抹橫迂  
遠自知無厭著江山處處盡題名

其二

驅馬悠悠獨上樓風塵宇宙十年愁恨  
無諸葛開平策橫槊高吟芳草洲

題若木縣客舍

荒涼公館似村家木落關山路正賒誰  
使民生臻此極臨觴不覺涕淚多

道過善州偶入得益寺

大藏殿板  
上有先祖

題名感歎不  
已因題一絕

吾家忠肅佐忠宣將相功名四十年此  
日來遊天幸耳空瞻函丈湧如泉

次安按部詩韻景恭

曾為斯民一歎長方塘細雨芰荷香  
回頭江漢東流處誰信男兒有鐵腸

次香林堂韻

憶曾負笈嶺南遊詩酒相從已十秋一  
笑高陽如隔歲依依溪日轉虛樓

其二

杖節悠悠作遠遊  
澄江紅樹客中秋  
斯民塗炭知無奈  
獨凭湖南處處樓

其三

明時已倦子長遊  
况是雞林一葉秋  
客裡相逢非易得  
彷徨欲別更登樓

題永同客舍

磨牙封豕吮生民  
秉鉞天南一老臣  
五月渡瀘誰料得  
永清同樂太平春

次草溪客舍韻

十載干戈萬丈塵  
碧油幢下二毛新  
臨風舉目山河異  
北斗以南知幾人

壬戌八月十六日  
寓宿草溪霽月  
欲上公館窳間  
時有卞承景者携  
琴入謁彈盡一曲  
誦詩而前曰子  
能記此乎曩在京  
師余與子訪柳  
君爰廷爰廷為子  
鼓琴子作此詩  
蓋今十有一年  
聽訖余恍然而後

省

五柳陰中聽素琴  
峨洋千載少知音  
勸君莫盡瓜亭曲  
世上無人識此心

寄柳山人

爰廷

秋風馬首正依依  
鴈斷江澄木葉飛  
且問江陽離別後  
行行吟得幾篇詩

辛未六月二十日奉使大明道

過黃州贈尹觀察

就

客裡相逢欲相別  
危樓寒壁夕陽明  
此

行不是觀周樂要使吾民見大平

大同江船上次鄭三峯韻道傳

紅粧盡舸信中涼江上青山山上樓一曲  
梅花聲轉苦淡烟斜日揔關愁

安州懷古

蔭水湯湯漾碧虛隋兵百萬化為魚至  
今留得漁樵話未滿征夫一笑餘碧一作太

次麟州板上韻

秋館蕭條蟋蟀鳴却嗟豪氣誤書生斯

民憔悴君知否獨凭東軒月正明

鞍山途中

鶴野東頭山似畫漁陽南畔草如烟夕  
陽何處吹長笛萬里征途我獨賢

八月十五日夜

雨黑臨淄秋水生寒驢鞭未欲三更他  
年文會堂前月須說青州此夜行

高郵城北懷古

天低水國雲籠樹霜落寒湖浪拍空千



古英雄無限恨只今衰草起秋風

戊寅五月二十二日夜坐

明河如掃月如眉風定危欄獨夜時  
輔相七年無寸補于今白首晚知非

山齋獨坐

病後山齋夢未成竹窓松吹月光明  
悄然剩得林泉趣不省吾身負大名

李學士詹作詩送南教授歸慶尚

次韻贈行

少年為客嶺南遊  
同上題詩涵碧樓樓  
下水聲猶在耳  
送君今日思悠悠

己卯三月十三日自新都駕幸松

都宿長湍次李學士詹詩韻

水黑屏回鴨綠波  
連雲芳草滿山花  
平沙萬幕青雲合  
江月上時歌吹多

其二

綠淨春深水自波  
無邊紅紫一時花  
都人盡是看花客  
識得春光有幾多

奠于先茔馬上偶吟

煙花三月出城闈百物生成共一春料  
得天工無黨處道宣君澤酌斯民

靈通義砧法師惠扇并詩次韻謝

之

吳松江水兩清幽六月清風可買求萬  
事紅塵多熱惱道人嘉惠重山丘

其二

月色松聲寺轉幽水沉銷盡澹忘求病

松堂先生文集卷之一 卅四

夫固乏佳時略他日尋師卜一丘

次江原觀察金公詩韻 希善

前呵塞道鬢絲新觸熱朝天萬馬塵何  
似海棠旌旆路白鷗寒水照烏巾

己卯六月二十一日極熱題松堂

驛上

山畔松堂盡日風冰峯當面冷疑空田  
間六月炎如火分我清涼遍大東

夜坐

讀罷三謨欲五更松堂夜雪小窓明自  
憐豪氣消磨盡卧聽寒溪送曉聲

松堂夜坐

寒齋明月白如霜栢子香殘冬夜長十  
載中書成底事愀然起坐我心傷

詠盆菊

粲粲金葩細細香凌霜傲雪擅韶光東  
君不識隱君子宜與騷人對酒觴

己卯冬十有二月初四日上箋乞

退次金觀察詩韻

承之中書昧所施白頭墻面負明時如  
今乞得松堂卧欲與曾生共浴沂

冬雨

時已初十日有二

冬雨浪浪苦夜長無人識得彼蒼蒼  
明時厥咎其誰執獨坐寒堂鬢欲霜

偶吟

一色梨花萬戶同夜來時雨正濛濛  
可憐春盡成何事但覺高吟便做工

夜坐

閑來奇事與誰評  
挑盡燈花到五更  
細雨綠荷三兩葉  
慙懃一夜送寒聲

松堂即事

覓腕雙雙黃栗留  
忽驚魂夢繞滄洲  
松齋日午無餘響  
寂寞山蜂衙未休

次金海燕子樓韻

烟鬟鏡面海山青  
雲錦波頭夕照明  
多謝伽伽舊時月  
夜深偏照倚樓情

成政丞母氏挽章

懿節康寧八十春三韓萬石大夫人欲  
知平日柔貞德名相高風冠搢紳

鄭政堂擢母氏挽章

貞敬銘旌照世光忍看春色曉蒼蒼一  
門餘慶何煩說開國元勳兩政堂

趙六宰胖母氏挽章

孰主張皇孰是維康寧八千古來稀家  
况亦是元勳老今日還鄉不用悲



閱馬溪行

溪柳吹綿點客衣  
平沙斷處亦芳菲  
臨風箕踞沙棠下  
却憶金鑾借箸時

其二

鴨綠平堤春水生  
尋芳行樂及清明  
風涼誰是同曾點  
深淺何忘揭厲情

其三

憂來意氣轉崢嶸  
芳草西郊晚雨晴  
溪上短筇吾事足  
是非榮辱不須驚

其四

柳片縈紆曲曲斜  
綠蕪無處不飛花  
願君法此東君化  
推遍吾仁百姓家

題明農堂壁

茅簷晴日杏花香  
燕坐陶然氣味長  
山靄晚來開復合  
誤疑無地不深箴

惜落花

香玉隨風去却來  
花開不似未曾開  
自憐春雨濛濛洒  
愛惜飛紅襯綠苔

寶山途中

萬幅丹青七月秋  
一生行止任風流  
壯心不與身俱老  
每向虞廷欲轉籌

金巖途中

風送殘花點客衣  
彭彭四牡快如飛  
關西千里青山路  
行盡都無一首詩

題興義站樓

獨凭層欄日欲斜  
桑麻雞犬兩三家  
鋤刀銛利千將鈍  
其餘蟠根錯節何

辛巳八月初九日月下獨吟

冰簟松檉卧月明寒蛩聲斷欲三更可  
憐博濟平生志贏得清時伴食名

九月十三日月夜獨坐

玻瓈湧出綠雲開松影如龍轉石臺宇  
宙寒光同一白身生羽翰上蓬萊

十四日月夜與宋上將黃生負同

坐

松堂月色涼如水月與三人共一清擁

滕陶然神氣足世間榮辱不須驚

偶吟

萬卷圖書石室清  
博山爐上細烟橫  
曾生氣像三盃後  
趙孟浮名一羽輕

松堂晚秋

山齋秋晚恨茫茫  
風送翻金萬點黃  
旋轉蕭蕭如有雨  
却疑蓬底宿瀟湘

金晉陽爾音寄詩惠鱸魚次韻答

之

老矣悠悠白髮新  
龍山蒼翠暗光塵  
秋風忽見鱸魚美  
惱殺江東隱故人

感 主恩

龍山翠色入松檉  
一掬孤忠日下螢  
白髮漸疎心益壯  
德音在耳骨猶銘

松堂即事

月華浮動雪華生  
方丈書堂十分明  
自惜此心同雪月  
終宵皎潔不勝清

壬午元日

扶日回天萬死身短屏琴史整烏巾可  
憐濯濯牛山木萌蘖如今又欲春

送李教授歸平海

少年當日海東游玉節朱幢碧樹秋白  
首如今潭似夢送君芳草思悠悠

次張教授韻

春風細細月斜斜一色桃花十萬家却  
憶西原走馬日探花衣上酒痕多

書農堂壁上

十頃方塘五畝陰寒光踈影綠沉沉夢  
魂誤入金鑾殿時覺涼鷓送好音

其二

茅屋低低樹遍陰海棠花上雨沉沉京  
洛美人都不見瓜亭歌斷有餘音

月下獨酌

碧天如水月如波水簟松軒爽氣多十  
載思君雙鬢雪五更風露一聲歌

兔山有感



往事悠悠若鳥飛  
荒臺立馬獨霑衣  
多情最是南江水  
半夜寒聲似舊時

層城獨上

蒲萄一色共秋雲  
獨上觀瀾日欲曛  
堪笑馮唐頭似雪  
江山如此不忘君

范城即事

披榛建國屬休明  
慚愧凌烟第一名  
人意不隨杯酒淺  
江城斜照不勝情

松堂樂

掃地燒香日閉門  
松堂堂下水聲喧  
閑中氣味憑誰說  
卧看龍巒出岫雲

次南觀察詩韻

扶日虞淵草昧時  
同呼萬歲拜龍墀  
如今雙鬢渾如雪  
欲伴逋翁採紫芝

長安早春

長慶宮前芳草綠  
玉粧橋畔柳如烟  
蕭曹未似陶彭澤  
宜向春風一醉眠

閱馬壁上

少年一謁大明宮  
馳騁功名作上公  
慚愧蒼生不見德  
時時舉筆但書空

有感即事

誤著儒冠受侮多  
陶潛身世兩蹉跎  
男兒大事唯尊主  
淚涕何人不顧家

題永興客舍壁

山雨隨風凍成雪  
旌旗盡角思難裁  
只緣廊廟多遺策  
未是吾身將將才

偶題

東坡先生文集卷之二  
三十一  
庭院沉沉曉色寒  
人間平地足波瀾  
留侯一伴赤松去  
千載高風洒雨間

其二

六月冰峯盡屋寒  
金樽綠酒起微瀾  
若除痛飲無餘事  
何用伊周伯仲間

庭菊

孤貞黃紫一庭霜  
把酒相看氣味長  
歲歲群花搖落盡  
憐渠能慰我心傷

十九日詠四季花

杜門觀物樂吾神  
籬菊庭梅絕點塵  
秋月春風偏有約  
何如專擅四時春

十九日星臺

萬松風雨一襟秋  
盡日看山不下樓  
范蠡清塵今寂寞  
龍山秋浪買扁舟

松堂先生文集卷之一



松堂先生文集卷之二

五言律詩

題閱馬村堂

寂寂三韓地悠悠一病愁  
孔明圖北伐夫子欲東周  
酒熟荒村雨詩成落葉秋  
蒼蒼本仁愛回首望神州

次南生貧韻

鴻鴈長天渺秋風故國遙  
一杯神蕩蕩萬事鬢蕭蕭  
平賊無奇策知心但舊交

旌旗南北路 矯首望宣招

其二

昭代風雲盛 朝天道路遙  
欺君夷漢卓 崇佛鄙梁蕭  
脾裡欲生肉 朝中有幾交  
南生莫甘遜 聖主正旁招

次崔教授詩韻

卜麟

濃墨數行字 相思一故人  
教官非不達 園竹未全貧  
薄海妖氛息 中天日月新  
古來高尚者 盛世亦傷神



次趙石礪先生韻

明月揚江水松風廣濟樓  
高人成大隱泉石又新秋  
雲斷龍泥蟄天昏鶴野愁  
余曾盟白鳥濡滯起包署

登蓬山

春衫陟峯此竒事有誰知  
過竹尋僧舍看雲上翠微  
剏方鑄圓日揭淺厲深時  
膠柱欲調瑟何傷範我馳

宿聖燈庵

石 紆林麓寒峯統晚墻佛香僧舍小

鳥沒碧空長樹老前朝事楓明一片霜

天方扶盛業誰是宋公昌大上即位之日

內曰卿知漢文帝夜拜宋昌為上將古

事耶因賜都統銀印一銀長角一形弓

次黃州客舍詩韻

薄薄三盃酒悠悠一片情殘蟬宜郡晚

幽鳥悅山晴書劍憐吳札絃歌揖武城

功成時亦泰白首欲歸耕

贈黃生負

茅屋溪聲合琴書竹影宜興高詩放肆  
身老酒扶持心爽月明夜情新木落時  
滔滔回首處不屈是男兒

蓬山晚詠

草積孤村晚春歸小洞幽淵明初解印  
王粲獨登樓竹晦西峯色松巖北澗涼  
無端動高興扶策上山頭

次權司諫湛韻

松堂先生文集卷之三  
三  
彼羨權司諫  
遨遊雲水鄉  
詩書才轉大  
風月興尤長  
世事三盃酒  
人情九曲腸  
何當乞骸骨  
與子共亡羊

偶吟

與世少相合  
晚家蓬山臯  
門無人問字  
松有鶴零毛  
讀易心初洗  
尋春興亦豪  
驅馳諸葛子  
龍卧孰為高

松堂

顏厚千鍾祿  
時危一片心  
故人皆白首

交結但黃金夜久松聲足窓寒月色深  
陶然賦歌器閣筆獨長吟

七言律詩

秋日偶題明農堂壁

清時迂遠愛清閑數朶青峯屋數間五  
畝秋歸人語早一江雲濕鴈聲寒琉璃  
踈雨碧瀾渡錦繡斜陽白馬山樂此亦  
知今已矣如何時復望崧巒

遊天磨山

溪雨隨風止復連山中清勝也無邊峯  
回嵐嫩羅青嶂洞僻春深鎖紫烟遊客  
盡疑蘇子輩居僧多是悟生賢曾聞此  
地多瑤草不必商山可學仙

題明農齋壁上

古松陰下坐胡床磅礴開襟野意長雨  
暗魚磔燈火細秋田烟壠稻花香嗟卑  
嗟老人皆是逢世逢君我不良時是  
東詠極天際臨風收淚一蒼茫

其二

風送山花滿石床無端時復引杯長斜  
陽草色連空綠細雨荷花渡水香言遜  
行危聞魯叟功成身退慕張良秋風桂  
擢誰能扣白馬滄波極渺茫

送大明使周倬

聖主龍飛撫萬方腥膻收盡德馨香疇  
咨禮樂風雲會整頓乾坤日月光天上  
文昌回碣石人間聲教揭扶桑欲知慰

悅蒼生望須採謳歌獻

玉皇

次江陵客舍韻

丙辰秋九月日受江陵道按廡之命

自古功名貴壯年宦遊滄海又春天

寢陵西隔雲橫外江漢東流日出邊十

載衣冠心似月五更絲竹帳如烟明時

未展澄清志浪學壺中第一仙

次襄州客舍韻

古郡經營自國前大平風月半千年鳥

還官柳三竿日人語漁村一帶烟江漢



奔流傷世道山河壯蹟誓皇天  
通來瀆賦民憔悴欲倒東溟作布泉

次杆城客舍韻

薄海山城草樹幽尋詩板上揖先修  
一區烟月堪前席十載風塵獨凭樓  
失道民生驚散久少年功業感行休  
都俞異日金鑾殿蠲復吾當議此州

次旄善客舍韻

溪山初雪少人行乘興高吟到鳳城  
水

疊雷奔衝地入峯層屏束半天橫引杯  
看劍寬吾志攬轡觀風檢俗情滌蕩東  
溟當有日居民洗眼待澄清

次原州東軒韻

鐵關胡馬若風行一劍功高白面生許  
國孤忠應貫日忘身大義便長城至今  
父老蒙餘澤後世英雄揖盛名我亦掃  
清敷奏已杏花春雨耦而耕

題義州樓

七月邊城一笛風登樓客子鬢如蓬地  
窮鶴野江橫碧家在龍灣淚落紅神聖  
山河天設險隋唐甲冑草連空丹青鴨  
綠朝宗水欲獻 皇明紫極宮

夜泊金陵

蘭舟綠水晚荷紅夜泊金陵一夜風老  
柳長波揚子渡寒花細草館娃宮百年  
榮辱身將老六代興亡鳥沒空天下莫  
強仁可結鍾山隱隱月矇矓

江都夜泊

嶽色江聲共寂寥  
朱樓何處夜吹簫  
明月淮水霜初落  
秋盡江頭柳未凋  
去國頻驚佳節過  
繫舟還憶故園遙  
可憐賜帝春遊處  
一色蘆花欲晚潮

題日月寺壁上

平生踈蕩愛清幽  
遠上寒山古寺秋  
一望前朝仍杖屨  
都忘萬事獨登樓  
松巒凍雨寒聲急  
紫洞歸雲翠色浮  
安用栖

栖居寵利飄然欲與赤松遊

送大明使禮部主事陸顥

風流當代兩儒仙  
玉節煌煌自九天  
道德文章天下少  
乾坤雨露海東偏  
香侵驛路花如錦  
綠滿征袍草似烟  
多謝白駒永今夕  
長吟時復鹿鳴篇

次黃州客舍詩韻

鴛聲院落綠陰重  
何況當軒紫翠峯  
公道古來唯白髮  
人生豈是等寒松  
敢期

狂直登霄漢慙愧微功勒鼎鍾師友何  
人能起我九原可作喚南容

次龍川站 天使章謹樓上韻

朱樓一夜雨初收  
覽鏡功名欲白頭  
匹馬關河孤月冷  
殘蟬驛路暮雲愁  
壯心不屈遭三黜  
豪氣何曾蓋九州  
秋七正當初七日  
乘槎何處訪牽牛

贈黃生負

遊巖南畔萬松岡  
中有騷人萬卷堂  
臺

迥楓殘偏月色庭虛山近瀉秋光山河  
帶礪功名小几席琴樽野意長行事要  
當如白日肯將狐媚負 君王

次黃生負韻

山畔松堂松竹深秋風夜半雜龍吟泥  
塗軒冕三杯酒陶鑄唐虞一片心阮氏  
窮途時痛哭淵明荒徑亦橫琴浩然吾  
氣塞天地忍使緇塵點素襟

角山獨釣

霜落沙寒鴈正飛  
千帆一色夕陽時  
高冠扶國有榮辱  
短棹釣魚無是非  
萬頃稻梁黃世界  
半江秋浪碧瑤瑤  
蘆花如雪山如畫  
薄暮歸來雨滿衣

角山觀海

鯨蹤層濤海色紅  
晨登秋好最高峯  
青銅磨洗三千里  
銀闕高低九萬重  
山岳動搖波撼日  
乾坤蕩漾水浮空  
觀瀾有術君知否  
萬派朝宗向此中



次張觀察子忠詩軸韻

攬轡關西父老懽風流文彩幾環觀仁  
聲春遍閭閻暖美節霜橫幕府寒鈇鉞  
巡遊河岳壯歌鍾登眺地天寬何如返  
旆從民望入相清時撻百官

月下寄南政堂

心知止足孰能加老去丹衷未滅磨遂  
許驅馳盟帶礪身都將相割山河松聲  
挾雨茶烟細梅影如龍月彩多一夜書

松堂先生文集卷之三  
十一  
堂無夢寐思君清淚浩如波

題松堂壁上

山擁溪回路轉斜居人云是侍中家一  
庭雨過蒼苔合盡日鶯啼綠樹多碧玉  
雙雙新粉竹黃金點點老松花吾今偃  
息祝明主無間當時丞相何

次成二相次省中諸郎詩韻時有

以術數  
獻者

中書殘漏曉淒涼推枕無端感歎長立

馬何妨鳴玉仗好君多是進青囊蚊肩  
仰荷山河誓螢火增輝日月光諸葛三  
分天下計何如開笑一傾觴

五言古詩

送華嚴師

白馬飲河洛邪說盈華夏拈花一奮臂  
質質奔天下揖君迹租賦飽暖廢桑稼  
論難凌空虛孔轍幾稅駕誰哉繼三聖  
為我廬其舍師歸話心事壯淚一揮洒

題西京浮碧樓

東明九梯宮荒涼草樹風危樓控大同  
豁若登高空江泳動碧深絕壁生層陰  
恍然玄都間六月清風寒緬懷殷太師  
張皇九疇綱繼往開來人日月吾東方  
隋唐四海衆毛關百萬師高堂若建瓴  
莫強天下知往事若鳥過舉酒鬢如絲  
功業衆所賴利名何草草功成乞餘齡  
吾將吾土老

題孟尚書詩軸 希道占民字

淵明早休官好賦歸去來春盡田園蕪  
風來五柳開偃仰夷惠間高節橫秋旻  
顧予叅佐命墻面秉陶鉤蚊背負山岳  
日夜心輪困固乏經濟策其奈澤斯民  
綠野清秋月楊江日暮春 主恩不可  
負悵望空逡巡

楊江有書堂故云爾

次昌城君

汝完賀金政丞詩軸

否極生明公開平廟謨雄清德畏人知

談笑慎興戎樂善得河決高節華嶽崇  
嗟予敢不愛同出忠烈翁况當開國初  
共叅扶日功攀聯踐台斗揖讓明光宮  
承 恩日三接分茅食萬鍾為國當盡  
忠曰循敢雷同格 君興東周微子吾  
誰從不負 明主知相與安天衷

題趙石碣書堂

去化

書室小如斗蓬蒿蔽風日寬於一天下  
四壁圖書積矯矯南陽龍高卧擁短褐

蒼生望一起軒冕等毛髮洪容請建籌  
淵明願結襪英風橫三韓高節凌雲可  
樽酒對不酌出語平生豁少焉江上月  
萬頃琉璃潤得山好圖畫亡國鳥飛過  
孰謂淡如水愛歎相逢寡明主用賢  
惡慎莫堅高卧

送同年崔卜麟

教授咸安得育字

春風一斗酒街柳黃金色此行胡不樂  
英才得教育好為明主知盛名題竹

帛

李政丞居易焚黃於廟朝中士夫  
咸作詩歌詠予亦賦焉

桓桓李相國氣槩凌蒼蒼乘時佐神  
聖拯溺開東方烈烈文貞子義色橫秋  
霜臨風玉樹迥貯月冰壺明刑部克清  
修淡泊常激昂粹然畜潛德散之為文  
章根深未盛茂德厚遠流芳明公篤前  
烈壯節冠龍驤萬死扶紅日品彙涵春



光攀鱗踐台斗鳴玉回虞唐帶礪勲庸  
壯笙鏞世道昌明君倚山嶽恩數  
及先奠雨露重泉土薰蒿一瓣香洒淚  
地天窄永慕山川長枯樹生春色冬鳥  
引雛翔忠臣出孝門格言垂嘒煌達孝  
於公見頌德仍稽顙

謝師送茶

一味曹溪水紫壁黃金芽松濤起石鼎  
雪乳開瓊花一甌羽翼生二甌清風多

松堂先生集卷之二 十四  
眠魔豎降幡凜凜終不磨骨中一片白  
逸氣凌紫霞且問此何時松堂月似波  
玆重遠公意覆甌書短歌

松堂壁上

喜此春服成援琴坐盤石松風洒烏帽  
雲氣生巾舄凭虛送遠目快若身生翮  
撻李滿 皇都紅錦鋪紫陌韶光眩白  
日香霧兩間格峨峨壽昌宮宮花尚如  
昔花深不見人玉砌芳草積風伯挾雷

雨一夜掃紅白紅白卷如濤九街深一  
尺細酌金罍酒傷心徒寤擗抽毫訟風  
伯 天門九重隔

丁卯八月十八日登蓬山

蓬山秋欲半携酒上層峯浮雲蔽斜照  
殺氣凌遙空日月鳥飛隙關河木落風  
高歌一襟淚羨人生不逢

借馬於金開城細

僑居卑且隘大火燒空紅五岳翠彩滅

一世洪爐中庶見君子人笑語足清風  
纓冠欲往從假我浮雲驄

又用借馬詩韻寄金開城

美人隔雲端灼灼桃花紅秀色真絕世  
傾城一笑中纖手怨玉琴絳絡泣淒風  
何日南薰殿承 恩共玉驄

其二

豐城有古劍紫氣凌雲紅星斗燠陽紋  
芙蓉倚水中何當躍玉匣為君生雄風

世乏風胡子者錦策飛駃

即墨途中

轍環天下半窮秋行路難  
泥濘齊東遠霜高泗水寒  
寒驢五更月孤帆萬丈瀾  
莫作遠遊客少年雙鬢斑

偶題

沉冥蓬山曲墻肩室如斗  
窳合甘肥遜高卧愧奔走  
竹晦水沉堆松老山月小  
平生一琴鶴白日如轉燭  
浩歌華岳傾

起舞寒雞曉把酒氣如虹龍巖青未了  
直為衛道計休論榮與辱

七言古詩

寄柳山人 爰廷

智異之山何壯哉蟠聯直折九萬里蒼  
蒼壁立八千丈峻極秋旻鎮南紀於焉  
藏光一竒士明哲見幾真君子曾連英  
風龔勝潔屈平詞賦淵明醉神龍自珍  
九淵潛孤鳳遙增千仞起孰謂山擁九

萬里却小夫子伊周志孰謂山高八千  
丈却下夫子巢由節天下滔滔方有為  
霜空高高一片月紅顏不肯事侯王信  
命樂天知出處詩書石室小如斗溪深  
脫荷紅作堵風乎濯足潁川月擁膝絃  
歌疊山暮憶昔玄陵如日月清燕鯁議  
搖五嶽拜手稽首談人天敷陳仁義帝  
王略龍顏一解宇宙春彤庭搢紳呼萬  
歲勅賜御手緇衣真仍錫天書光照世

金鑾崢嶸賡載歌欲挽唐虞天下濟鳴  
呼鼎湖淚洒雨斯道如絲日陵替君不  
見伊尹躬耕畝中囂囂樂道將終身  
幡然湯之三聘餘已任四海堯舜民又  
不見太公八十忘天下蕭然臨流釣渭  
濱一朝歛作帝王師永清八極方經綸  
風雲感會起釣屠伊尹太公亦何人天  
心豈欲喪斯文空之拂亂曾不淺時來  
一起東山卧共濟蒼生固未晚



古栢宅北有雙栢

古栢古栢生陰崖薄天蒼蒼綠滿家  
崢嶸鱗甲上青冥龍吟月冷金波明  
蒼銅直榦鬼神持烈風起處聞簫笙  
橫霜秀色壓松筠餐霞屠雪長青青  
飄飄子晉醉碧桃手携綠玉登蓬瀛  
蕭蕭青於杏壇侍周旋問仁葱珩鳴  
雪花如手宇宙昏挺然獨立伯夷清  
是屈原乎巢許乎頑廉懶立清風生  
溥言顛倒整佩冠月

下酬酢奔瑤觥拂素欲摹壯與節恐了  
明公惡好名猗歟正合丈人行肯與  
李爭春榮

座主溪堂恕菴之門人恕菴曰吾  
門中傳衣鉢者溪堂也其言果然  
溪堂作詩贈宗伯李學士誠中云  
追感前言淚滿巾

恕菴先生典文衡溪堂座主出門下奇  
遇玄陵登上台八對金鑾善更化遂策

多士傳衣鉢斯文盛事相藉藉怒菴藻  
鑑懸明鏡直與白日光相射溪堂清詩  
出真情萬丈光焰凌鮑謝知人繼志兩  
未易二老風流誰敢追鴻樞學士怒菴  
胤侗倘真率平生知波生翠幕倚天開  
畫鼓如雷春日遲溪堂無恙九旬強兩  
鬢如雪心如水雲從佳客揔元老愧我  
不才忝珠履云胡醉舞不肯狂我亦溪  
堂門下士

送朴秘書奉使日本

海濶風帆若鳥飛  
秘書意氣東溟窄  
平生許國仗忠信  
任看長天高浪白  
洪濤日出紫松岡  
香火烟斜徐福宅  
好將三節播聲教  
遂令盛烈光竹帛

贈鄭判事

復田

故人抱道深山中  
信宿山中霜木濃  
秋風卷地掃葉脫  
滿山一色玻璃紅  
慙慙綴拾寄千里  
顏如渥丹如見公  
安得與

公過瀚海而後一笑山中同

五言排律


送鴻臚寺行人林士英


文昌回北極聲教暨東陸景命日星燮  
同仁雨露私欣瞻周禮樂復見漢官儀  
父老懽呼日三韓再造時朝宗鴨江水

圖駕獻 龍墀

松堂先生文集卷之二

松堂先生文集卷之二







蕪湖松室堂